



Broj: 01/14-11-2379-6/24
Sarajevo, 04.06.2024. godine

Na osnovu člana 64. stav (1) tačka b) 70. stav (1) i (3) Zakona o javnim nabavkama BiH ("Službeni glasnik BiH", broj: 39/14 i 59/22), a u vezi sa članom 79. Statuta Grada Sarajeva ("Službene novine Kantona Sarajevo", broj: 7/23), gradonačelnica Grada Sarajeva donosi

O D L U K U
o izboru najpovoljnijeg ponuđača putem
Konkurentskog postupka

I

Prihvata se ponuda ponuđača **Z.U. „S A N A S A“, SARAJEVO**, ul. Grbavička br. 74, 71 000 Sarajevo – Novo Sarajevo, za: "Sistematski pregled za uposlenike Grada Sarajeva", sa ponuđenom cijenom od 14.647,50 KM, u postupku provođenja javne nabavke putem Konkurentskog zahtjeva za dostavu ponuda.

II

Sa ponuđačem **Z.U. „S A N A S A“, SARAJEVO**, ul. Grbavička br. 74, zaključit će se Ugovor o pružanju usluge iz tačke I ove Odluke.

III

Ova Odluka stupa na snagu danom donošenja.

Obrazloženje

Odlukom broj: 01/14-11-2379-3/24 od 07.05.2024. godine, pokrenut je postupak javne nabavke za: „Sistematski pregled za uposlenike Grada Sarajeva“, putem Konkurentskog postupka.

Obavještenje o nabavci objavljeno je na portalu Agencije za javne nabavke broj: 1278-7-2-81-3-33/24 od 14.05.2024. godine.

Sažetak Obavještenja objavljen je u Službenom glasniku BiH, broj: 34/24 od 17.05.2024. godine.

U određenom roku za dostavljanje ponuda na protokol ugovornog organa zaprimljene su 2 (dvije) ponude i to: Z. U. „S A N A S A“ SARAJEVO, ul. Grbavička 74, Sarajevo – Novo Sarajevo, i „Zavod za zdravstvenu zaštitu radnika u saobraćaju“ – Sarajevo, ul. Kolodvorska br. 10, Sarajevo – Novo Sarajevo.

Komisija za javnu nabavku, imenovana Rješenjem gradonačelnice broj: 01/14-11-653/24 od 19.01.2024. godine, na sastanku održanom dana 27.05.2024. godine izvršila je javno otvaranje blagovremeno prispjelih ponuda, te utvrdila cijene ponuda, i to kako slijedi:



	Broj protokola	Ponudáč	Ukupna cijena Ponude	Ponuđeni popust	Ukupna cijena Ponude sa popustom sa
1.	14-11-4326/24	ZU Poliklinički centar SANASA	19.530,00 KM	25 %	14.647,50 KM
2.	14-11-4337/24	Zavod za zdravstvenu zaštitu radnika u saobraćaju Sarajevo	15.715,00 KM	720,00 KM	14.995,00 KM

Nakon otvaranja ponuda, Komisija za javnu nabavku je izvršila detaljnu analizu prispjelih ponuda, te utvrdila da je ponuda ponuđača Z.U. „S A N A S A“ SARAJEVO, prihvatljiva i u skladu sa tenderskom dokumentacijom, odnosno da ispunjava sve formalno – pravne uslove iz tenderske dokumentacije.

Komisija za javnu nabavku konstatovala je da je ponuda ponuđača „Zavod za zdravstvenu zaštitu radnika u saobraćaju“ Sarajevo, u Obrascu za cijenu ponude imala sljedeće greške:

- U drugoj tabeli pod nazivom „Sistematski pregled za uposlenike Grada Sarajeva – muškarci“, greška je u izračunu zbira jediničnih cijena u koloni UKUPNO. Nakon izvršene računske kontrole u navedenoj koloni, umjesto iznosa 2.935,00 KM treba da je naveden iznos 3.485,00 KM.
- U trećoj tabeli pod nazivom „Rekapitulacija“, greška je u koloni pod nazivom: UKUPNA CIJENA ŽENE I MUŠKARCI. Nakon izvršene računske kontrole u navedenoj koloni, umjesto iznosa 15.715,00 KM treba da je naveden iznos 16.265,00 KM.
- U trećoj tabeli pod nazivom „Rekapitulacija“, greška je u koloni pod nazivom: UKUPNO S POPUSTOM. Nakon izvršene računske kontrole u navedenoj koloni, umjesto iznosa 14.995,00 KM treba da je naveden iznos 15.545,00 KM.
- U Izjavi ponuđača, tačka 3., navedeno je da cijena ponude iznosi 15.715,00 KM. Nakon izvršene računske kontrole, u navedenoj koloni, umjesto iznosa 15.715,00 KM treba da je naveden iznos 16.265,00 KM.

Komisija za javnu nabavku je dana 27.05.2024 godine uputila ponuđaču „Zavod za zdravstvenu zaštitu radnika u saobraćaju“ Sarajevo, zahtjev za prihvatanje ispravke računske greške, slijedom kojeg zahtjeva je navedeni ponuđač dana 30.05.2024. godine dostavio pismenu saglasnost na ispravku računske greške.

Nakon prihvatanja ispravke navedenih računskih grešaka, Komisija za javnu nabavku utvrdila je da ponuda ponuđača „Zavod za zdravstvenu zaštitu radnika u saobraćaju“ Sarajevo nije prihvatljiva, s obzirom da cijena ponude premašuje procijenjenu vrijednost javne nabavke.

Zbog svega navedenog, i u skladu sa članom 68. stav (4) tačka (j), ponuda ponuđača „Zavod za zdravstvenu zaštitu radnika u saobraćaju“ Sarajevo, odbačena je kao neprihvatljiva.

Obavještenjem o nabavci, kao i tenderskom dokumentacijom u ovom postupku javne nabavke, Ugovorni organ je odredio kriterij za dodjelu ugovora – najniža cijena, te je predviđena e-aukcija.

S obzirom na to da je u predmetnom postupku javne nabavke dostavljena samo jedna prihvatljiva ponuda, i to ponuđača Z.U. „S A N A S A“ SARAJEVO, to nije bilo moguće provesti postupak e-aukcije.

Nakon analize prihvatljivih ponuda, Komisija za javnu nabavku izvršila je rangiranje prihvatljivih ponuda prema kriteriju – najniža cijena, i to kako slijedi:

Naziv ponuđača	IDB/JIB	Konačna cijena ponude u KM sa popustom	Rang
Z.U. „S A N A S A „ Sarajevo	4200349800008	14.647,50	1

Komisija za javnu nabavku sačinila je Zapisnik o pregledu i ocjeni ponuda od 31.05.2024. godine, te je dala preporuku Gradonačelnici da u predmetnom postupku nabavke “Sistematski pregled za uposlenike Grada Sarajeva“, dodijeli ugovor ponuđaču **Z.U. “S A N A S A“ SARAJEVO**, ul. Grbavička br. 74, 71 000 Sarajevo, sa ponuđenom cijenom u iznosu od **14.647,50 KM**.

U postupku ocjene provedenog postupka, ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke.

Naime, u postupku je ocjenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Prihvatajući preporuku Komisije Gradonačelnica Grada Sarajeva donosi ovu odluku.

POUKA O PRAVNOM LIJEKU:

Ponuđači koji su učestvovali u postupku javne nabavke mogu radi zaštite svojih prava i pravnih interesa, u roku od 5 (pet) dana od prijema obavijesti (odluke) o izboru najpovoljnijeg ponuđača izjaviti žalbu Uredu za razmatranje žalbi putem ugovornog organa, u dovoljnom broju primjeraka.

Gradonačelnica

Prof. dr. Benjamina Karić

Dostaviti:

- Ponuđačima
- a/a